

Na osnovu člana 12. Zakona o podršci nedovoljno razvijenim, nerazvijenim i izrazito nerazvijenim jedinicama lokalne samouprave u Tuzlanskom kantonu („Službene novine Tuzlanskog kantona“, broj: 16/20) i člana 3. Pravilnika o postupku kandidiranja projekata, dodjele, izvještavanja i praćenja realizacije sredstava sa potrošačke jedinice „Podrška nedovoljno razvijenim, nerazvijenim i izrazito nerazvijenim općinama“ („Službene novine Tuzlanskog kantona“, broj: 01/23) i Pravilnika o izmjenama i dopunama Pravilnika o postupku kandidiranja projekata, dodjele, izvještavanja i praćenja realizacije sredstava sa potrošačke jedinice „Podrška nedovoljno razvijenim, nerazvijenim i izrazito nerazvijenim općinama“, broj: 02/1-02-32534-1/25 od 02.12.2025. godine, Ministarstvo privrede Tuzlanskog kantona objavljuje:

JAVNI POZIV

za kandidovanje projekata za dodjelu sredstava iz Budžeta Tuzlanskog kantona za 2025. godinu u svrhu pružanja podrške nedovoljno razvijenim, nerazvijenim i izrazito nerazvijenim jedinicama lokalne samouprave u Tuzlanskom kantonu

I. PREDMET

Predmet Javnog poziva je kandidovanje projekata jedinica lokalne samouprave (u daljem tekstu: JLS) koji se nalaze na listi projekata iz **Programa javnih investicija Tuzlanskog kantona 2025-2027. godine**, u cilju dodjele sredstava iz Budžeta Tuzlanskog kantona za 2025. godinu sa potrošačke jedinice 11010023 - Podrška nedovoljno razvijenim, nerazvijenim i izrazito nerazvijenim općinama.

II. NAMJENA SREDSTAVA

Sredstva iz ovog Javnog poziva namijenjena su za podršku nedovoljno razvijenim, nerazvijenim i izrazito nerazvijenim JLS za finansiranje isključivo razvojnih projekata iz oblasti:

- proizvodnje, izvoza, osnivanja i razvoja malih i srednjih preduzeća,
- saobraćajne infrastrukture,
- obrazovanja,
- zdravstva,
- sporta i kulture,
- poljoprivredne proizvodnje i ruralnog razvoja,
- izgradnje novih, rekonstrukcije i održavanja postojećih objekata komunalne infrastrukture,
- razvoja i izgradnje turističkih kapaciteta,
- i za druge značajne projekte podrške lokalnom razvoju.

III. OPŠTI I POSEBNI USLOVI ZA OSTVARIVANJE PODRŠKE

Prijavu mogu podnijeti JLS sa područja Tuzlanskog kantona, koje ispunjavaju sljedeće uslove:

- Broj stanovnika: do 12.500,
- Površina: do 350 km²,
- Broj naseljenih mjesta: do 50,
- Indeks razvijenosti u rasponu: do 1,00.

Za primjenu navedenih podataka koristit će se posljednji objavljeni Socioekonomski pokazatelji po općinama Federacije Bosne i Hercegovine, utvrđeni od strane Federalnog zavoda za programiranje razvoja.

IV. NAČIN PRIJAVE I POTREBNA DOKUMENTACIJA

Podnosioci prijava mogu kandidovati **najviše tri projekta** za dodjelu sredstava iz Budžeta Tuzlanskog kantona za 2025. godinu, koji se nalaze na listi projekata **Programa javnih investicija Tuzlanskog kantona za period 2025-2027. godine.**

Kandidovani projekti **ne mogu biti iz iste oblasti.**

Podnosilac prijave prilikom apliciranja na Javni poziv obavezno dostavlja:

- a) **Prijavni obrazac pojedinačno za svaki kandidovani projekat sa kojim aplicira (popunjen i ovjeren od strane načelnika ili ovlaštene osobe JLS, te ovjeren pečatom JLS), a koji se može dobiti u Ministarstvu privrede i putem web stranice Vlade Tuzlanskog kantona: <http://www.vladatk.gov.ba/>;**
- b) **Račun prihoda i rashoda u setu obrazaca godišnjeg obračuna za 2024. godinu - fotokopija originala, potpisana i ovjerena od strane načelnika ili ovlaštene osobe JLS;**
- c) **Predmjer i predračun radova sa procijenjenom vrijednošću projekta, potpisan i ovjeren od nadležne službe ili izvod iz glavnog projekta koji sadrži predmjer i predračun radova sa projektnom vrijednošću projekta, potpisan i ovjeren od strane projektanta (original ili ovjerena kopija);**
- d) **Izjava da se odobrena sredstva neće koristiti za isplatu plaća, naknada i dodataka na plaću zaposlenih i isplatu materijalnih troškova, potpisana od strane ovlaštenog lica i ovjerena od strane organa uprave.**

Podnosilac prijave popunjava sve rubrike Prijavnog obrasca, zaokružuje ponuđene opcije upita i odgovara za vjerodostojnost svih unesenih podataka. Prijavu potpisuje načelnik JLS ili druga osoba koju je ovlastio načelnik, a ista se ovjerava pečatom JLS. U slučaju da Prijavu potpisuje druga osoba koju je ovlastio načelnik, potrebno je priložiti i **fotokopiju originala ovlaštenja za potpisivanje.**

Kandidovani projekti na Javnom pozivu će se razmatrati na osnovu dostavljenog Prijavnog obrasca, uz uvid u priloženu dokumentaciju. Komisija za izradu Programa javnih investicija Tuzlanskog kantona, imenovana od strane Vlade Tuzlanskog kantona, vršit će pregled i ocjenu dostavljenih projekata u skladu sa utvrđenim uslovima i kriterijima.

Komisija će provjeriti formalnu ispravnost pristiglih prijava, te ukoliko utvrdi da je prijava nepotpuna ili sadrži druge formalne nedostatke koji se mogu otkloniti, zatražit će putem Ministarstva da se prijava u roku od 8 dana dopuni i/ili da se otklone utvrđeni nedostaci. Ako podnosilac prijave u ostavljenom roku ne dopuni prijavu i/ili ne otkloni druge utvrđene formalne nedostatke zbog kojih se po prijavi ne može postupiti, smatrat će se da prijava nije ni podnesena, o čemu će Ministarstvo donijeti zaključak.

U svom radu Komisija može, radi što objektivnijeg vrednovanja prijava, zatražiti konsultacije i mišljenja eksperata iz datih oblasti, dostavljanje dokumentacije i dodatnih pojašnjenja od strane podnosioca prijave, te po potrebi izvršiti provjeru prispjelih prijava i dokumenata posredno ili neposredno na licu mjesta.

V. NAČIN I KRITERIJI RASPODJELE SREDSTAVA

Sredstva iz Budžeta Kantona za 2025. godinu, sa potrošačke jedinice 11010023 - Podrška nedovoljno razvijenim, nerazvijenim i izrazito nerazvijenim općinama, dodijelit će se kao kapitalni transfer drugim nivoima vlasti i fondovima na osnovu sljedećih kriterija:

1) Minimalno učešće u raspodjeli budžetskih sredstava

Pojedinačno učešće JLS u raspodjeli budžetskih sredstava zasniva se na sljedećim omjerima:

- a. nedovoljno razvijenim JLS u pojedinačnim iznosima minimalno 5% od iznosa utvrđenog u budžetu,
- b. nerazvijenim JLS u pojedinačnim iznosima minimalno 10% od iznosa utvrđenog u budžetu,
- c. izrazito nerazvijenim JLS u pojedinačnim iznosima minimalno 15% od iznosa utvrđenog u budžetu.

2) Kriteriji za uvećenje minimalnog učešća po osnovu prihoda

Minimalni pojedinačni iznosi utvrđeni na osnovu kriterija iz tačke 1). uvećavaju se po osnovu prihoda JLS u skladu sa sljedećim kriterijima:

- a. do 10% za JLS čiji operativni prihodi iznose do 2.000.000,00 KM,
- b. do 5% za JLS čiji operativni prihodi iznose od 2.000.000,00 KM do 3.000.000,00 KM,
- c. do 3% za JLS čiji operativni prihodi iznose od 3.000.000,00 KM do 4.000.000,00 KM.

Napomena: Operativni prihodi JLS uključuju poreske i neporeske prihode koje je ostvarila u protekloj fiskalnoj godini, a koje će JLS dostaviti kao prilog uz prijavni obrazac.

3) Kriteriji za uvećenje minimalnog učešća po osnovu stope nezaposlenosti

Minimalni pojedinačni iznosi utvrđeni u skladu sa kriterijima iz tačke 1) uvećavaju se po osnovu stope nezaposlenosti JLS u skladu sa sljedećim kriterijima:

- a. do 5% za JLS u kojima je stopa nezaposlenosti veća od 70%,
- b. do 3% za JLS u kojima je stopa nezaposlenosti od 50% do 70%.

KUMULATIVNO UVEĆANJE UČEŠĆA

Za JLS koje ispunjavaju sve navedene kriterije, vrši se kumulativno uvećanje pojedinačnih iznosa u raspodjeli sredstava, u skladu sa tačkama 1), 2) i 3).

DOPUNSKA RASPODJELA SREDSTAVA

Ukoliko nakon raspodjele sredstava ukupno raspoređena sredstva ne dosegnu 100% iznosa planiranog na potrošačkoj jedinici 11010023, vršiti će se dopunska raspodjela preostalog iznosa među podnosiocima prijave koji su podnijeli formalno ispravne prijave u okviru javnog poziva.

Dopunska raspodjela vršiti će se na osnovu procentualnog učešća podnosioca prijave u ukupnoj raspodjeli sredstava sa potrošačke jedinice 11010023 u prethodne četiri fiskalne godine, prema sljedećim rasponima i pripadajućim ponderima:

- a) za učešće od 0% do 10% je ponder 1,00;
- b) za učešće od 11% do 15% je ponder 0,80;
- c) za učešće od 16% do 20% je ponder 0,60;
- d) za učešće od 21% do 25% je ponder 0,40;
- e) za učešće od 26% do 30% je ponder 0,20;
- f) za učešće veće od 30% je ponder 0,00.

Preostali iznos sredstava raspodijeliti će se tako što će se za svakog podnosioca prijave utvrditi koeficijent dodjele, koji predstavlja proizvod procentualnog učešća tog podnosioca u ukupnoj raspodjeli sredstava sa potrošačke jedinice 11010023 u prethodne četiri fiskalne godine i pripadajućeg pondera. Nakon što se za sve podnosiocima prijave izračunaju koeficijenti dodjele, utvrditi će se njihov zbir. Svakom podnosiocu prijave dodijeliti će se dio preostalog iznosa srazmjerno učešću njegovog koeficijenta dodjele u zbiru koeficijenata dodjele svih podnosilaca koji učestvuju u dopunskoj raspodjeli.

IZNOSI POJEDINAČNIH PROJEKATA

Nakon utvrđivanja pripadajućeg ukupnog iznosa sredstava po podnosiocima prijave, utvrditi će se iznosi za dodjelu po pojedinačnim projektima koji ispunjavaju uslove propisane pravilnikom. U svrhu utvrđivanja iznosa za dodjelu po pojedinačnim projektima, **Ministarstvo će tražiti izjašnjenja podnosilaca prijave.**

Ukoliko vrijednost kandidovanih projekata ne dostiže iznos koji je podnosiocu prijave raspodijeljen, Ministarstvo će poziva podnosioca prijave da, u ostavljenom roku, dopuni prijavu dokumentacijom kojom se vrši proširenje ili povećanje obuhvata već kandidovanog projekta. **Dopuna se može izvršiti isključivo dokumentacijom kojom se povećava obim, vrijednost ili faze već kandidovanog projekta, kako bi se osigurala realizacija dodjele do visine raspodijeljenog iznosa.**

VI. OPĆE ODREDBE

Javni poziv ostaje otvoren **15 dana od dana objavljivanja na web stranici Vlade Tuzlanskog kantona.**

Prijave na javni poziv sa potrebnom dokumentacijom dostavljaju se lično ili poštom preporučeno na sljedeću adresu:

MINISTARSTVO PRIVREDE TUZLANSKOG KANTONA
Centralna pisarnica Vlade Tuzlanskog kantona
Fra Grge Martića br. 8, 75000 Tuzla

sa naznakom: „**Prijava na javni poziv za kandidovanje projekata za dodjelu sredstava iz Budžeta Tuzlanskog kantona za 2025. godinu u svrhu pružanja podrške nedovoljno razvijenim, nerazvijenim i izrazito nerazvijenim jedinicama lokalne samouprave u Tuzlanskom kantonu – NE OTVARAJ**”.

Na poledini koverta potrebno je navesti: Naziv podnosioca prijave, adresu i kontakt telefon, te ovjeriti pečatom podnosioca prijave.

Prijave se dostavljaju zaključno sa **18.12.2025. godine (četvrtak)**, odnosno prihvatit će se prijave koje imaju poštanski pečat najkasnije sa navedenim datumom.

Neblagovremene prijave neće biti predmet daljeg razmatranja.

VII. OSTALE ODREDBE

Na web stranici Vlade Tuzlanskog Kantona: <http://www.vladatk.gov.ba/> bit će objavljen:

- 1) JAVNI POZIV za kandidovanje projekata za dodjelu sredstava iz Budžeta Tuzlanskog kantona za 2025. godinu u svrhu pružanja podrške nedovoljno razvijenim, nerazvijenim i izrazito nerazvijenim jedinicama lokalne samouprave u Tuzlanskom kantonu;
- 2) OBRAZAC broj 1 za kandidovanje projekta.

Napomena:

- Sredstva iz ovog Javnog poziva neće se dodijeliti za projekte koji se ne nalaze na listi projekata Programa javnih investicija Tuzlanskog kantona 2025-2027. godine.
- Sredstva iz Javnog poziva neće se dodijeliti za isplatu plaća, naknada i dodatka za plaću zaposlenih te isplatu materijalnih troškova.
- Transfer sredstva iz Javnog poziva neće biti realizovan dok se ne opravdaju ranije dodijeljena sredstva sa potrošačke jedinice 11010023 - Podrška nedovoljno razvijenim, nerazvijenim i izrazito nerazvijenim općinama.
- U postupku javnog oglašavanja Ministarstvo privrede ne snosi nikakve troškove učesnicima na Javnom pozivu, te zadržava pravo da poništi Javni poziv.
- Prispjela dokumentacija po Javnom pozivu se neće vraćati.
- U slučaju nedostatka sredstava u Budžetu Tuzlanskog kantona obustavlja se realizacija dodjele sredstava u potpunosti ili djelimično, srazmjerno nedostajućim sredstvima.
- Vidljivost projekta će se precizirati odredbama ugovora o implementaciji dodijeljenih sredstava.

BOSNA I HERCEGOVINA
Federacija Bosne i Hercegovine
TUZLANSKI KANTON
Ministarstvo privrede
Broj: 03/1-11- 35819/25
Tuzla, 03.12.2025. godine

MINISTAR

Edin Duraković, dipl. pravnik